

## COMUNE DE ILARTZI

### Avisu pùblicu pro sas iscrizioni a s'Iscola Tzìvica de Mùsica Intercomunale

#### GUILCIER BARIGADU Annu iscolàsticu 2020/2021

Su Responsàbile de su Setore Amministratzione Generale

Bida

sa L.R. n. 28 de su 15/10/97;

sa Deliberatzione de Giunta Regionale n. 41/3 de su 15/10/2012 chi istabilit "Critèrios e modalidades pro sa cuntzessione de finantziamentos a sos Comunes pro s'istitutzione e su funtzionamentu de sas iscolas tzìvicas de mùsica";

#### Cunsiderende ca

- su Comune de Ilartzi at promòvidu s'istitutzione de s'Iscola Tzìvica de mùsica in forma assotziada cun sos Comunes de su Barigadu e de su Guilcier, Abbasanta, Aidumajore, Ardaule, Bidoniu, Boroneddu, Busache, Fordongianus, Neoneli, Norghiddo, Nughedu Santa Itòria, Soddie, Sorradile, Ula;
- sas atividades de s'Iscola Tzìvica sunt cumintzadas dae s'annu iscolàsticu 2012/2013;
- su Comune de Ilartzi, essende Ente capufilera, atuende sa Deliberatzione de Giunta Comunale n. 64 de su 29/05/2020, at presentadu domanda apòsita de finantziamentu a sa Regione pro sa cuntzessione de su contributu pro s'Iscola Tzìvica de mùsica pro s'annu iscolàsticu 2020/2021;
- in s'annu iscolàsticu 2020/21 faghent parte de s'Iscola Tzìvica sovracomunale Guilcier Barigadu sos comunes de Abbasanta, Aidumajore, Ardaule, Bidoniu, Boroneddu, Busache, Fordongianus, Ilartzi, Neoneli, Norghiddo, Nughedu Santa Itòria, Soddie, Sorradile, Tadasune e Ula;

#### Faghet pùblicu

ca sunt abertas sas iscrizioni a s'Iscola Tzìvica de Mùsica Guilcier Barigadu pro s'annu iscolàsticu 2020/2021 pro s'insegnamentu de custas disciplinas:

Violinu	Bateria/Percusiones
Chiterra Clàssica	Pianoforte
Chiterra Elètrica	Tastiera moderna
Bassu Elètricu	Sonete a matriperlas
Cantu Clàssicu	Sonu
Cantu Modernu	Mùsica impare
Mùsica Corale	Clarinete
Coro boghes biancas	Mùsica Eletrònica
Propedèutica musicale (fintzas a sos oto annos)	

### **Sos cursos**

Sos cursos ant a èssere organizados in 25 letziones individuales - longas 30 minutos ognuna - in un'annu, a francu pro sos cursos chi pertocant sas disciplinas de mùsica impare e propedèutica musicale chi ant a èssere de 60 minutos ognuna.

S'organizazione didàtica at a èssere cuncordada a manera de permitere e garantire una preparazione semper prus manna.

S'incomintzu de sos cursos est acapiadu a sa disponibilidade de sos maistros, de sos locales e de sas risursas finantziàrias e a su nùmeru de sas demandas chi ant a arribare.

Si ant a mancare sas cunditiones iscritas in custu avisu, s'Iscola Tzìvica de Mùsica podet detzìdere de no ativarare unu o prus de sos cursos.

### **Comente s'iscriere**

S'iscrittione a s'Iscola Tzìvica de Mùsica est aberta a totus sos chi apant l'òmpidu sos 7 annos a intro de su 30 de abriale de s'annu iscolàsticu de riferimentu (30/04/2021).

Sos pipios de edade inferiore a su limite de sos 7 annos si podent iscriere ebbia a sa disciplina de propedèutica musicale.

In su matessi annu iscolàsticu si podet frequentare prus de unu cursu individuale.

Su Comune partètzipat a manera partziale pro sas ispesas de unu cursu ebbia pro ogni alunnu. Si si cheret partètzipare a prus de unu cursu, francu pro su primu, s'ispesa est totu a càrrigu de su partètzipante.

### **Oràrios**

Sas letziones diant a pòdere incomintzare in su mese de santandria 2020 e ant a durare fintzas a su mese de làmpadas 2021.

Su maistru e su dischente ant a detzìdere paris sos oràrios de sas letziones.

Cando su dischente est assente non tenet su diritu de recuperare sa letzione.

### **Cuotas**

Pro s'annu iscolàsticu in cursu sos critèrios e sas tarifas de aplicare sunt abarrados uguals a cussos de s'annu iscolàsticu 2019/2020.

Sa cuota de frequèntzia pro s'annu iscolàsticu 2020/2021 est:

A) pro sos residentes in unu de sos Comunes aderint a sa gestione assotziada (Iartzì, Abbasanta, Aidumajore, Ardaule, Bidoniu, Boroneddu, Busache, Fordongianus, Neoneli, Norghiddo, Nughedu Santa Itòria, Soddie, Sorradile, Tadasune e Ula):

- cursos individuales € 120,00

- cursos colletivos € 60,00

B) pro sos residentes in àteros Comunes:

- cursos individuales € 150,00
- cursos colletivos € 100,00

In casu de ritiru antizipadu dae s'Iscola, sa cuota de frecuèntzia no at a èssere rimborsada.

Francu sa la prima letzione de prova, in antis de incomintzare sa de duas letziones, est de òbligu essere cunsignare a su comune de residèntzia (a su comune de Ilartzi si no est unu residente in unu de sos comunes chi aderint a sa gestione assotziada) còpia de su bonificu bancàriu, chi atestat su pagamentu fatu. In casu contràriu, at èssere cunsiderada comente rinùntzia sentza àteras comunicatziones dae parte de s'Iscola.

### ***Iskadèntzia pro presentare sa domanda***

Sa domanda, paris cun sa còpia de su documentu de identidade, si depet presentare a su comune de residèntzia (a su comune de Ilartzi si no est unu residente in unu de sos comunes chi aderint a sa gestione assotziada), a intro de su 14 de cabudanni 2020.

Pro informatziones cuntatare s'ufitziu competente de su Comune pròpiu de residèntzia, si est unu de sos Comunes assotziados.

(MM)